

畿輔通志卷二百二十一

列傳二十九 明六

明

天津府

卓敬

甄實

崔琰

崔瑛

王翺

胡欽

馬昂

趙昇

李琚

李瑄 弟瑋

傅愷

李鉉

冀本

孫昂

劉彝

張浩

強珍

馬思聰

蕭英

張濬

馬政

張時敘

鄭海

張淮

張鍰

張進德

子簡

鄭氣

楊應時

張佑

王國實

姪緒

張問之

陳耀

楊文卿

張遇

殷尙質

劉燾

戴才

張謐

湯賓

鄭金

王建極

李騰鵬

蕭應禎

周一念

劉存備

李日茂

劉永昌

戴一心

鄭繼芳

任明臣

邊維新

鄭維倫

向化

楊時蕃

胡時祥

王尙緒

王家基

元默

姚泳

陳顧諱

趙巡父那智 景伯 子光耀 孫景皋

于廷陳

蘇才美

朱用錦

宮繼蘭

李乾法

曾鎡

李騰蛟子春早

武開基

王巍

呂詠

盛存仁弟存義

劉夢

楊玘

正定府

馬雲輝

趙民望

翟貴

安理

趙檜

張敏

杜沂

白素

袁有常

方渭

周公輔

李琦

扈暹

黃懋

邢端

任雍

邊傑

寇義

侯保

岳福

趙白

馬謹

傅濟

柳文

孫禮

劉雲

畢鸞

張春

劉文莊

石玉

張子麟

張舉

石珪
兄玠

王興

王宸

郭濬

呂鏜

馮相

魏綸

張宏

張璿

呂秉彝

劉強

王宗哲

尹元
兄梅

王懋

王綸

張弼

賈應春

張集

楊時泰

霍琳

李光遠

王撫民

陳九德

尹梁

傳承問

梁夢龍

孫維基
曾孫清宏

武金

許守謙

申傑

李永

朱仲福

李春芳

子鳴世

牛希儒

孫化龍

王蔚

曹時聘

崔應麒

子一淳
孫元裕

霍鵬

馬從聘

弟從龍
龍子士祿

申田

梁心

許爾中

王家相

胡來朝

傅鋌

子永淳

王剛

賈福

張民望

許自嚴

霍鵬

張子清

張一成

趙映斗

耿三麟

耿蔭樓

么士貴

梁士淳

侯君甯

曹時熙

周時雨

弟霖雨
甘雨子垣

甘雨

膏雨

陳顯際

許嗣復

么渾

馮藻

劉自晉

許諮

明

天津府

卓敬字惟恭浙江瑞安人後徙滄州成洪武二十一年進士
拜給事中好直言或以太剛則折爲戒曰吾諫職居其位則
直其道道苟直死不可回禍福豈所計哉時諸王服飾與大
子無辨敬乘間言曰朝廷則倣全在宮中今陛下於諸王不
早辨等威而使服飾與太子埒嫡庶相亂尊卑無序何以令
天下上笑曰爾言是朕慮不及此一日與同官入奏適八十
一人上命改爲元士尋以六科爲發政本源又改爲源士尋

復稱給事中敬歷宗人府經歷進戶部侍郎建文初燕王來朝敬密奏曰燕王智慮絕人酷類先帝夫北平者強幹之地金元所由興也宜徙燕封江南以絕禍本夫萌而未動者幾也量時而爲者勢也勢非至勁莫能斷幾非至明莫能察上覽奏大驚袖入翼日語敬曰燕王骨肉至親卿何得及此曰楊廣隋文非父子耶上默然良久曰卿休矣事竟寢太宗即位執敬責以不迎及前奏裁諸王事敬厲聲曰若用敬言王安得至此太宗怒欲殺之而憐其才乃曰奸臣欲害朕敬止欲徙朕內地耳命繫獄姚廣孝以敬素不見禮銜之乃曰昔吳王不殺范蠡而越卒沼吳王衍不殺石勒而勒終斃衍陛下所藉爲重全在地勢使敬言見用離北平直囊中物豈有今日哉上猶使中官諭之堅不屈誅三族臨刑從容歎曰變

起宗親略無經畫敬死有餘罪矣神色凜然經日猶如生太
宗嘗日國家養士三十年不負其君惟得一卓敬敬有高世
之才凡天文地理律歷兵刑悉能察究詩文峭拔磊落有詩
文五十餘卷又著書發明周子通書邵子經世之學宣德間
門人黃朝光作年譜行狀侍講劉球爲之傳私謚曰忠貞

鱗明書

本朝賜謚忠毅勝朝殉節錄

甄實字德輝慶雲人洪武二十六年鄉舉任汝甯府同知歷

官陝西四川布政使興學校勸農桑理冤抑整軍經武民賴

以安以平苗功加南京兵部尙書卒祀鄉賢

慶雲縣志

崔琰青縣人洪武時膺薦舉任知縣累官戶部郎中命領工
部檄同平江伯分巡河道清苦勤慎賜白金二笏宣德九年

致仕從祀鄉賢

天津府志

崔瑛青縣人永樂二年以功除武安知縣門無私謁率民入山採木造廳以已貲償其食民愛戴之

同上

王翺字九臯鹽山人永樂十三年初會試貢士於行在帝時欲定都北京思得北士用之翺兩試皆上第大喜特召賜食改庶吉士授大理寺左寺正左遷行人宣德元年以楊士奇薦擢御史時官吏有罪不問重輕許運磚還職翺請犯贓吏但許贖罪不得復官以懲貪黷帝從之五年巡按四川松潘蠻竊發都督陳懷駐成都相去八百餘里不能制翺上便宜五事請移懷松潘而松茂軍糧於農隙齊力起運護以官軍毋專累百姓致被劫掠吏不給由爲民蠹令自首毋隱州縣土司徧設社學會川銀場歲運米八千餘石給軍往返勞費

請令有罪者納粟自贖詔所司議詳運糧事而遷蠹吏北京
餘悉允行英宗卽位廷議遣文武大臣出鎮守擢翱右僉都
御史偕都督武興鎮江西懲貪抑奸吏民畏愛正統二年召
還院四年處州賊流劫廣信命翱往捕盡俘以還是年冬松
潘都指揮趙諒誘執國師商巴掠其財與同官趙得誣以叛
其弟小商巴怒聚眾剽掠命翱及都督李安軍二萬征之而
巡按御史白其枉詔審機進止翱至出商巴於獄遣人招其
弟撫定餘黨而劾誅諒成得復商巴國師松潘遂平六年代
陳鑑鎮陝西軍民之借糧不能償者覈免之七年冬提督遼
東軍務翱以軍令久弛寇至將士不力戰因諸將庭謁責以
失律罪命左右曳出斬之皆惶恐叩頭願効死贖翱乃躬行
邊起山海關抵開原繕城垣濬溝塹五里爲堡十里爲屯使

烽燧相接練將士恤鰥寡軍民大悅又以邊塞孤遠軍餉匱乏緣俗立法令有罪得收贖十餘年間得穀及牛羊數十萬邊用以饒八年以九載滿進右副都御史指揮孫璟鞭殺戍卒其妻女哭之亦死他卒訴璟殺一家三人朔日卒死法妻死夫女死父非殺也命璟償其家葬埋費璟感激後叅將遼東追敵三百里事李秉爲名將十二年與總兵曹義等出塞擊兀良哈斬百餘人獲畜產四千六百進右都御史十四年諸將破敵廣平山進左脫脫不花大舉犯廣寧朔方閱兵寇猝至眾潰朔入城自保或謂城不可守朔手劍曰敢言棄城者斬寇退坐停俸半載景泰三年召還掌院事易儲加太子太保潯梧猺亂總兵董興武毅推委不任事于謙請以翁信陳旺易之而特遣一大臣督軍務

明史

首薦安遠侯柳溥而已

及金濂王翱皆與焉

畿輔人物考

乃以命翱兩廣有總督自翱始

翱至鎮將吏讐服推誠撫諭徭人嚮化部內無事明年召入爲吏部尙書初何文淵協王直掌銓多私爲言官攻去翱代一循成憲天順改元直致仕翱始專部事石亨欲去翱翱乞休已得請李賢力爭乃留及賢爲亨所逐亦以翱言留兩人相得歡甚帝每用人必咨賢賢以推翱以是翱得行其志帝眷翱厚時召對便殿稱先生不名而翱年幾入十多忘嘗令郎譚綸隨入帝問故翱頓首曰臣老矣所聆聖諭恐遺悞令此郎代識之其人誠謹可信也帝喜吏部主事曹恂已遷江西參議遇疾還翱以聞命以主事回籍恂怒伺翱入朝摔翱胸擗其面大聲詬詈事聞下詔獄翱具言恂實病得斥歸時服其量五年加太子少保成化元年進太子太保雨雪免朝

參屢疏乞歸輒慰留數遣醫視疾三年疾甚乃許致仕未出都卒年八十有四贈太保諡忠肅翱在銓部謝絕請謁公餘恒宿直廬非歲時朔望謁先祠未嘗歸私第每引選或值召對侍郎代選歸雖暮必至署閱所選惟恐有不當也論薦不使人知曰吏部豈快恩怨地耶自奉儉素景帝知其貧爲治第鹽山孫以廕入太學不使應舉曰勿妨寒士路壻賈傑官近畿翱夫人數迎女傑恚曰若翁典銓移我官京師反手爾何往來不憚煩也夫人聞之乘間請翱翱怒推案擊夫人傷面傑卒不得調其自遼東還朝也中官同事者重翱矐明珠數顆翱固辭其人曰此先朝賜也公得毋以贓卻我乎不得已納而藏焉中官死召其從子還之爲都御史時夫人爲娶一妾逾半歲語翱翱怒曰汝何破我家法即日具金幣返之

妾終不嫁曰豈有大臣妾嫁他人者翺卒妾往奔喪其子養之終身李賢嘗語人曰皋陶言九德王公有其五亂而敬擾而毅簡而廉剛而塞強而義也然性頗執嘗詔舉賢良方正經明行修及山林隱逸士至者率下部試翺百不取一二性不喜南士英宗嘗言北人文雅不及南人顧質直雄偉緩急當得力翺由是益多引北人晚年徇中官郭聰囑爲都御史李秉所劾翺自引伏其名譽蓋不無小損云子孫世官錦衣千戶

明

胡欽字敬夫慶雲人永樂十五年鄉舉任建安知縣巨寇鄧茂七據竹查山官兵擊之不克欽使人密諭賊曰汝等皆良民脅於賊耳大兵且至悔之無及能投順則赦仍免役一年賊五百騎來降欽請於都御史張楷復爲良民賊首大懼復

招集亡命二萬餘人圍建安索欽甚急時兵部尙書金濂領兵太監王瑾總兵官甯陽侯陳懋俱在圍中不敢出而召欽曰賊急索君奈何欽曰旣爲臣子焉敢惜死遂乞精兵一千決戰顧其子灝曰宅內有井爾子母守之不勝則投井死軍士聞之皆流涕欽率眾出城力戰賊小却欽乘勢縱擊適都督劉得新兵至而陳懋亦督眾出交擊賊斬首數百茂七中流矢死金濂大喜函茂七首奏聞賜織錦銀壺金爵擢延平知府時正統十四年二月也尋擢陝西叅政與都御史馬中錫共修邊備有功厯遷四川山西左布政使清譽著聞其降寇一事人尤稱之卒祀鄉賢祠

慶雲縣志

馬昂字景高其先河南祥符人移籍滄州中永樂二十一年鄉試以會試下第入國子監宣德丙午授行在鴻臚寺序班

正統丁巳用廷臣薦陞監察御史奉命整飭宣府大同偏頭
關兵備及巡按陝西淮揚徽州等處所至有聲寬猛相濟不
爲淵察癸亥陞刑部右侍郎改右副都御史叅贊甘肅軍務
日夕講求邊計謹斥埃明烽火築城設險聲勢聯絡虜不能
犯先是赤斤蒙古罕東等衛番族恣肆抄掠至強刼總兵進
貢馬駝昂率眾討之擒其僞王鎖南奔并妻子械送京師自
是番人不敢近邊己巳北虜寇甘州昂令人畜悉入城堡簡
精銳選騎射躬出屯山隘以伺之虜聞遁去景泰庚午以乞
疾忤旨致仕甲戌兩廣寇亂起昂總督兩廣軍務兼巡撫乃
大布朝廷威德帥總兵方岳并土官兵民進勦生致僞將軍
周鐵盛盤馬蹄等獻闕下上使行人授以綵幣寶鈔陞右都
御史丙子征斗峒賊平轉左都御史天順丁丑還理院事戊

寅陞兵部尙書時上勵精圖治慎簡六卿吏部則尙書王翱
兵部則昂也用人事悉委之或未決則咨於大學士李賢賢
有所薦舉必曰臣所知如此宜召部臣再審之及昂與翱至
上前亦多與賢語相符會石亨等革各邊巡撫軍官因縱肆
貪暴士卒疲敝上知其悞欲復之乃召賢命會王翱與昂議
推選得十六人俱以京官巡撫其地後石亨事發凡冒功得
官者俱革賢因言在京軍官老弱殘疾者令兵部漸次調外
然後徐補其缺可省冗費其事雖賢從中主持而行之不擾
昂有力焉辛巳虜寇孛來擁眾迤西上命懷寧侯孫鏗帥師
禦之而以昂節制其軍刻日出師是夕曹欽反漏下四鼓舉
兵犯闕時禁門未啟欽縱火焚東西皇城門及東華門迨曉
王師始集鏗督諸軍先登昂以精兵殿之王師銳甚賊眾披